



OFFICE OF ADMINISTRATIVE TRIALS AND HEARINGS Help Center

Enfòmasyon OATH pou Ti Biznis

Poukisa Mwen Dwe Vini Nan OATH?

W ap bezwen prezante w nan yon odyans nan OATH si biznis ou, yon anplwaye, oswa ou menm te resevwa yon "Konvokasyon" ki soti nan yon ajans ki fè respekte lalwa nan Vil Nouyòk. Yon "Konvokasyon," ki rele tou "kontravansyon," se yon dokiman ki fè yon moun oswa yon biznis konnen gen yon ajans aplikasyon lalwa ki akize ou de vyolasyon yon lwa, règ oswa règleman epi ki avize yo ke yo oswa yon reprezantan, dwe parèt nan OATH nan yon sèten dat pou reponn a akizasyon sa a.

Èske Mwen Oblije Vini Pou Odyans La An Pèsòn?

Kounye a, pifò odyans OATH yo ap ofri adistans. Ou ka patisipe nan odyans ou a pa telefòn, pa lapòs, oswa sou entènèt. Si ou pa kapab patisipe nan yon odyans a distans, ou ka mande yon odyans an pèsòn lè w voye yon imèl bay Livehearings@oath.nyc.gov omwen senk (5) JOU OUVRAB anvan dat odyans ou an. Pou plis enfòmasyon sou kijan pou pwograme yon odyans a distans, tanpri vizite:

<https://www.nyc.gov/site/oath/help-center/you-received-a-summons-now-what.page>

Èske Gen Yon Moun Ki Ka Ede Mwen Pou Odyans Mwen An?

Si ou pa gen yon avoka oswa yon reprezantan pwofesyonèl ki peye epi ki anrejistre, ou ka pale ak yon Kowòdinatè Jistis Pwosediral nan Sant Èd OATH GRATIS. Kowòdinatè Jistis Pwosediral la ka ba ou enfòmasyon ak resous legal pou ede ou prepare pou odyans ou a. Moun sa yo ka ba ou enfòmasyon sou pwosesis odyans la, opsyon ki disponib pou ou yo, epi reponn kesyon ou genyen yo. Moun sa yo pa ka ba ou konsèy jiridik. Pou pran yon randevou ak yon Kowòdinatè Jistis Pwosedi Sant Èd la, tanpri pale ak yon reprezantan Sant Èd nan OATH oubyen kontakte Sant Èd OATH la an pèsòn nan nenpòt lokal OATH, lendi jiska vandredi, soti 8è dimaten pou rive 5è aprèmidi, pa telefòn nan (212) 436-0845, oubyen pa imèl nan Smallbizhelp@oath.nyc.gov.

E Si Mwen Pa Pale Anglè Byen?

Tout odyans OATH yo ak Sant Èd OATH la gen sèvis entèpretasyon gratis disponib nan nenpòt lang ou ta bezwen.

Ki Opsyon Ki Disponib Pou Mwen?

Ou ka admèt akizasyon ki nan konvokasyon an epi peye penalite yo enpoze a, oubyen ou ka gen yon odyans pou konteste ni akizasyon an ni reyalite yo pretann ki nan konvokasyon an, epi/oswa prezante prèv ak agiman ki gen rapò ak sityasyon an. Ou **ka** gen opsyon pou aksepte yon règleman tou, **si** ajans NYC ki te ba ou konvokasyon an ofri w yon règleman. Finalman, gen sèten vyolasyon ki pèmèt yon rediksyon nan penalite si ou te korije vyolasyon ki nan konvokasyon an anvan **premye** dat odyans ki pwograme a. Tanpri kontakte Sant Èd OATH la pou yo eksplike ou opsyon ki disponib pou ou yo.

Atansyon: Penalite a pou sèten vyolasyon se ka lajan pou peye epitou lòt responsablite anplis w ap genyen.

Si Mwen Se Mèt Biznis Lan, Èske Mwen Bezwen Vini nan Odyans La Mwen Menm?

Si biznis ou an nan lis sou konvokasyon an, ou gen OPSYON pou parèt nan odyans lan epi reprezante biznis la. Sepandan, ou kapab ranje tou pou yon reprezantan parèt nan non biznis ou an. Reprezantan an ka yon avoka oswa yon pwofesyonèl peye, oswa li ka yon anplwaye, oswa yon moun ou otorize parèt pou biznis ou a. Tanpri, bay reprezantan ou an fòmilè swivan an – SIYEN AK RANPLI – avan ou fè yo parèt nan OATH: <https://www.nyc.gov/assets/oath/downloads/pdf/registered-rep-authorization-form-2025-en.pdf> – Fòmilè sa a disponib nan plizyè lang sou sitwèb OATH la tou.

E Si Mwen Gen Lòt Kesyon Ki Pa Gen Rapò Dirèk Ak Odyans Mwen An?

Tanpri kontakte Sant Èd OATH la epi gen yon Kowòdonatè Pwosedè Lajistis nan Sant Èd la k ap ede ou. OATH gen yon relasyon travay solid avèk Depatman Sèvis pou Ti Biznis (Department of Small Business Services, SBS) NYC an epi Kowòdonatè Pwosedè Lajistis nou an ka voye ou al wè ajan espesyalize nan SBS oswa nan resous Vil la pou ede ou reponn a bezwen presi biznis ou an.

Si ou Bezwen Plis Èd, Tanpri Kontakte OATH Help Center An Pèsòn Nan Nenpòt Lokal OATH, depi nan Lendi rive nan Vandredi, Apati de 8 AM pou 5 PM, Pa Telefòn Nan (212) 436-0845, Oswa Pa Imèl Nan Smallbizhelp@oath.nyc.gov.

Bronx
260 E.161st Street, 6th FL
Bronx, NY 10451

Brooklyn
9 Bond Street, 7th FL
Brooklyn, NY 11201

Manhattan
66 John Street, 10th FL
New York, NY 10038

Queens
31-00 47th Avenue, 3rd FL
Long Island City, NY 11101

Staten Island
350 St. Marks Place, Main FL
Staten Island, NY 10301